



Varsity-eindstryd: Dis die ou honde teen jong Turke

Tinus van Staden

In die een hoek van die boksryt in die Varsitybeker-eindstryd môre in Stellenbosch staan die Maties as 'n ervare eenheid, desperaat vir lang ontwykende sukses.

In die ander hoek staan die Pukke - 'n jong, onervare dog opwindende en geesdriftige span met niks om te verloor nie.

Die twee spanne wat vanjaar se eindstryd gehaal het, was sonder twyfel die beste spanne in die reeks. Tog is hui suksesresep te uiters uiteenlopend.

In die Pukke se 23-tal is daar net vier spelers wat voorheen al in 'n eindstryd gespeel het. In die Maties se span is daar 15.

"Ons weet dit gaan nie maklik wees nie," erken Tiaan Bezuidenhout, die Pukke, die buiteperd se agtsteman en kaptein.

"Dit is dalk goed dat ons 'n jong span het, jonger ouens bring soms meer na die tafel, want hulle is nie bang om foute te maak nie. Ons het darem 'n paar senior ouens ook, maar



Chippie Oelofse, Matie-kaptein.

jong spelers bring dit," sê hy.

Hy glo die vars briesie wat saam met die jong Turke in Potchefstroom ingewaaï het, het nuwe lewe in die Pukspan geblaas.

"Die gevoel in die span is dat alles net lekker is. Ek dink dit is te danke aan ons sponges dat ons dit so ver gemaak het."

Die Pukke het die Varsitybeker reeds in 2016 kaas gewen, toe hul-

le die einste Maties met 7-6 in die Danie Craven-stadion geskok het.

"Ouens soos Louis (van der Westhuizen), Walt (Steenkamp) en Dean (Stokes) het in daardie eindstryd gespeel. Hulle het almal dieselfde gevoel - ons moet dit net as nog 'n wedstryd benader. Eindstryde lewer nie mooi rugby op nie, jy moet eenvoudig sorg dat jy jou foute beperk."



Tiaan Bezuidenhout van die Pukke.

Die Maties is onder veel meer druk as die jong Pukke-span.

Hulle het die eerste drie toernooie in 2008, 2009 en 2010 gewen, maar daarna nog nie weer Varsity-sukses geproe nie. Hulle het sedertdien in vier eindstryde gespeel en elkeen verloor, insluitend verlede jaar se eindstryd teen die Tukkies en 2016 s'n teen die Pukke in Stellenbosch.

Uitskieters

Voorste puntemakers:

1. Schalk Hugo (Pukke) 89;
2. Kobus Engelbrecht (UJ) 74;
3. Chris Smith (Maties) 72;
4. Duncan Saal (Maties) 50;
5. Christian Humphries (Wits) 44.

Voorste driedrukkers:

1. Duncan Saal (Maties) 10;
2. Xolisa Guma (Tuks) 6;
3. Bin Kasende Kapepula (Wits) 6;
4. Odwa Nkunjana (UJ) 6;
5. Nyasha Tarusenga (Ikeys) 6.

44

Chippie Oelofse word môre die mees ervare Varsitybeker-speler tot nog toe wanneer hy vir die 44ste keer vir Maties uitdraf.

"Ons het baie geleer uit die vorige eindstryde. Die grootste ding is om net kop te hou, nie net op die dag van die eindstryd nie, maar in die hele week wat opbou tot die eindstryd," sê Oelofse.

Hoewel geen speler in Maties se span die beker al vir die Ma-roenspan gewen het nie, is daar vier spelers in die Matiespan wat by ander spanne al eindstryd-wenners was. Hulle is Chris Mas-syn en Neethling Fouché (Tuks), Wilmar Arnoldi en die agtsteman Marno Redelinghuys (Pukke). Daarby het die Stellenbossers ook heelwat waardevolle eindstryd-ervaring.

7

Maties het reeds in sewe Varsitybeker-eindstryde gespeel, waarvan hulle drie gewen het. Die Pukke het al in 4 gespeel en kon net een wen.

■ **Maties:** Reinhardt Fortuin, Duncan Saal, Michael Haznar, Chris Smit, Edwill van der Merwe, Chris Smith, Remu Molan, Marno Redelinghuys, Janco Venter, Johan van Niekerk, Johan Mommens, Ernst van Rhyn, Neethling Fouché, Wilmar Arnoldi, Chippie Oelofse (k). **PLAASVERANGERS:** Craig Corbett, Ricky Mvabara, Piet-Louw Strauss, Brandon Valentyn, Stefan Streicher, Brandon Nell, Munier Hartzenberg, Callie Nel.

■ **Pukke:** Tapiwe Mafura, Jimmy Mpallane, Evarit Boshoff, AK Nela, Dean Stokes, Schalk Hugo, Chriswill September, Tiaan Bezuidenhout (k), Esthan Visage, Gordon van der Merwe, Walt Steenkamp, Johan Rietbet, Robert Hunt, Louis van der Westhuizen, Matimu Manganyi. **PLAASVERANGERS:** Percy Mngadi, Nelus Theron, Theo Ferreira, Jaco Swanepoel, Wandile Mazibuko, Nkosana Mathaba, Henko Marais, Justin Newman.

■ **Afskop:** 18:45 op Ss 1.

